

太原府志卷四十三

寓賢

古來地以人傳非特土著名流足樹彼都之望也嘉客逍遙白駒維繫暫時履舄所經奕世傳為盛事況其生平流寓遺風未替者耶杖杜之詩曰中心好之曷飲食之君子之至於斯也可以知其俗之尚矣志寓賢

周

卜商字子夏衛人退老西河為魏文侯師嘗憇晉隱堂山

今文水縣屬

後人號其山曰商山又名子夏山

蔡澤燕人見逐於趙聞應侯任鄭安平王稽皆負重罪應侯內慙乃西入秦說應侯辭位秦昭王召見與語大悅之拜為客卿應侯免遂拜澤為相號剛成君

太原府志

卷四十三

寓賢

荆軻衛人好讀書擊劍而以術說衛元君元君不能用嘗

客榆次與蓋聶論劍聶怒而目之

詳見藝術蓋聶傳

漢

第五倫字伯魚京兆長陵人自以久宦不達將家屬客河東變名姓自稱王伯齊載鹽往來太原上黨所過輒為糞除而去建武閒累官至蜀郡太守元和三年賜策罷以二千石俸終其身

第五種字興先倫曾孫永壽中拜密州刺史與單超有隙以事陷種坐徙朔方超外孫董援為朔方太守蓄怒以待之初種為滑相以門下掾孫斌賢善遇之及徙斥斌具聞超謀乃與友人閻子直及高密甄子然謀將俠客晨夜追種及之於太原遮險格殺送吏因下馬與種斌

自步從一日一夜行四百餘里遂得脫歸種匿於閭甄氏數年會赦出卒於家

鄭元字康成北海高密人嘗著戒子書曰吾家舊貧去廝役之吏游學周秦之都往來幽并兗豫之域獲覲乎在位通人處逸大儒得意者咸從捧手有所受焉

孟敏鉅鹿人客居太原荷甌墮地不顧而去或問之敏曰甌已破矣顧之何益郭林宗異之勸令遊學十年知名三公俱辟並不就焉

魏

揚俊字季才河內獲嘉人受學陳留邊讓以河內處四達之衝避地并州魏初任南陽太守

晉

太原府志

卷四十三

寓賢

二

周虓字孟威其先汝南安城人遷廬江少有節操寧康初領梓潼太守為苻堅將楊安所獲堅欲以為尚書郎不受屢詆堅後與堅兄子苞謀襲堅事泄堅引問狀虓曰昔豫讓為智伯臣猶漆身吞炭不忘忠節況虓世荷晉恩耶堅撻之徙於太原病卒子興迎致其喪冠軍將軍謝元臨哭之為請贈龍驤將軍益州刺史

北魏

元丕魏高祖時遷太尉錄尚書事轉太傅以老居并州會穆泰等不樂南遷丕心頗然之詔丕應連坐免為太原百姓時丕年垂八十猶自平城力載隨駕至洛陽高祖每遣左右慰勉之乃還晉陽高祖崩丕自并州來赴敕留洛陽尋詔以丕為三老薨年八十二

辛紹先隴西狄道人父淵仕西涼爲驍騎將軍以義烈著世祖平涼州紹先遂徙家於晉陽明敏有識量與廣平游明根范陽盧度世同郡李承等相友善先是蓼泉之戰淵以所乘馬援涼後主李歆而身死於難紹先三年口不甘味頭不櫛沐髮遂落盡至是常著垂裙皂帽起家中書博士轉神部令皇興中爲下邳太守加寧朔將軍太和十三年卒贈并州刺史晉陽公謚惠孫僧化東莞人識星分案天占以言災異時有所中爲通直散騎常侍普泰中余朱世隆惡其多言遂繫廷尉免官永熙中出帝召僧化與中散大夫孫安都共撰兵法未就而帝入關遂罷元象中卒於晉陽

盧景裕字仲儒范陽涿人少聰敏專經爲學初除國子博

太原府志

卷四十三

寓賢

三

士永熙中以例解還鄉里會河閒邢摩納與景裕從兄仲禮應西魏齊神武命將討平之聞景裕經明行著使教諸子在館十日一歸家隨以鼎食興和中補齊王開府屬卒於晉陽神武悼惜之注易行於世

李鉉字寶鼎渤海南皮人九歲入學書急就篇月餘便通以鄉里無可師遂與州里楊元懿河閒宗惠振等詣大儒徐遵明受業居徐門下五年稱高弟多所著述嘗教授生徒至數百武定中高祖令世祖在京妙簡碩學以教諸子遂以鉉應旨徵詣晉陽及顯祖受禪從駕還都爲國子博士詔以經授濟南甚見優禮卒贈廷尉少卿還葬故郡

崔子約清河人休子悛弟性孝長八尺餘姿神雋異嘗潛

觀梁使劉孝儀賓從見者駭目武定中與兄子瞻俱詣
晉陽寄居佛寺子瞻長子約二歲每憑几相對儀望俱
華後爲考功郎卒

北齊

刁柔字子溫渤海饒安人父整魏車騎將軍柔少好學綜
習經史尤畱心禮儀性强記至於氏族內外多所諳悉
永安中除冠軍將軍元象中隨例到晉陽高祖以爲永
安公府參軍又令教授諸子天保時除中書舍人同修

魏史

楊愔字遵彥宏農華陰人父津魏司空正光中隨父之并
州性旣恬默又好山水遂入晉陽西懸甕山讀書永安
初還洛拜通直散騎侍郎及父津爲并州刺史北道大

太原府志

卷四十三

高賢

四

行臺愔亦隨之任出帝初還華陰營葬訖齊高祖尋徵
赴晉陽會愔從兄幼卿以直言見誅愔悲懼成疾郭秀
素害其能因致書恐之曰高王欲送卿於帝所仍勸其
逃亡愔遂棄衣冠於水濱若自沉者變易名姓自稱劉
士安入嵩山又潛之光州因東入田橫島以講誦爲業
海隅之士謂之劉先生神武知情存致書慰喻仍命光
州刺史搜訪以禮發遣召見大悅除太原公開府司馬
轉長史後累官至尚書令乾明元年二月以忠衛濟南
爲常山長廣二王所殺愔著詩賦表奏書論甚多傳者
萬餘言

李德林字公輔博陵安平人該博典墳善屬文齊天保中
舉秀才擢甲科皇建初詔搜揚人物追赴晉陽初授桂

國郡公終懷州刺史卒謚文

盧公順范陽涿人胡后舅正山子早以文學見知武平中符璽郎待詔文林館從駕晉陽寓居僧寺

隋

張虔威字元敬清河東武城人開皇初晉王廣出鎮并州盛選僚佐以為刑獄叅軍累遷為屬與河內張衡並見禮重晉邸稱為二張大業中累加開府歷江都贊治卒崔躋字祖濬博陵安平人性至孝博學善屬文開皇中射策高第累授晉王記室叅軍起居舍人大業四年從駕幸汾陽宮登太行山詔問躋曰何處有羊腸坂對曰臣按漢書地理志上黨壺關縣有羊腸坂上曰不是又答曰臣按皇甫士安撰地書云太原北九十里羊腸坂

太原府志

卷四十三

寓賢

五

上曰是也因謂牛宏曰崔祖濬可謂問一知二終鷹揚長史

徐文遠洛州偃師人方正純厚有儒者風開皇中官太學博士詔往并州為漢王諒講孝經禮記坐除名大業初復為博士公卿竇威等多從受學後為唐博士封東莞縣男

裴仁基河東人開皇中以拜儀同領并州漢王諒府親信諒將反仁基苦諫諒怒囚之諒敗累授光祿大夫後以謀劫王世充復立越王侗遇害

唐

張平高綏州膚施人隋末為鷹揚府校尉戍太原為高祖所識因叅謀議封蕭國公

夏侯端壽春人與高祖善大業初高祖帥師河東討捕延端爲副遂以御史監軍及義師起端在河東爲吏所捕送長安高祖入關授秘書監加大將軍持節招慰河南終梓州刺史

李思行趙州人嘗避仇太原高祖將起使覘長安還具論機變深稱旨授左三統軍從破霍邑平京師擢嘉州刺史封安樂郡公卒謚襄

李高遷岐州岐山人隋末客遊太原高祖常引之左右擒高君雅王威有力焉從平霍邑戰功最著

張後允蘇州崑山人父冲有儒學隋漢王諒出牧并州引爲博士後允從父在并州以學行見稱時高祖鎮太原引居賓館太宗就授春秋左氏傳義師之舉後允首贊

太原府志 卷四十三 寓賢 六
之貞觀中歷授國子祭酒散騎常侍卒贈禮部尚書謚康

段志元齊州臨濟人父偃隋末爲太原司法書佐志元從父客太原以剽果諸少年畏之爲太宗所識義兵起募得千餘人授都督府軍頭從平霍邑絳郡皆爲先鋒突擊桑顯和躡獲突厥通于稠桑封褒國公卒贈揚州都督謚忠壯

衛遯陽羨人少習詩書學弓劍有武畧二十七遊并汾閒高祖始建義旗遯以勇藝進備行列洎擒竇建德時遯挾鎗劍前突後翼太宗顧而奇之天下旣定錄其功拜將軍宿衛以母老且病乞歸侍詔許之及卒邑人懷其賢廟於荆溪之湄歲時祠祭頗福其土焉

李白字太白興聖帝九世孫隋末徙西域神龍初還客巴
西白十歲通詩書旣長隱岷山更客任城天寶初至長
安明皇召見詔供奉翰林旣而懇求還山帝賜金放歸
嘗遊并州見郭子儀奇之子儀犯法白爲救免及永王
璘難作子儀請解官以贖詔長流夜郎會赦還後客當
塗代宗立以左拾遺召而已卒著文集二十卷集中有
咏太原早秋詩白在太原夏秋易季歲月滋深晉祠尤
爲亟遊地

顏泉明常山太守杲卿子天寶十四載杲卿擒賊將高邈
何千年遣泉明與前正定令賈深內邱丞張通幽械送
長安至太原節度王承業留之自上表獻之以爲已功
及杲卿遇害真卿爲蒲州刺史令泉明於河北訪求血

太原府志

卷四十三

寓賢

七

屬購還姑女暨父將吏袁履謙已下妻子奴隸等三百
餘人悉以歸蒲州瞻養久之求得父屍與履謙屍護還
長安

馬炫汝州邠人燧兄至德中李光弼鎮太原署掌書記光
弼器焉歷連潤二州刺史以兵部尚書致仕卒

崔從字子乂清河武城人國子司業融曾孫少孤貧與兄
能偕隱太原山中力學會歲饑拾橡實以飯講誦不輟
貞元初登進士立朝稜稜有風望四爲大鎮終檢校尚
書左僕射揚州大都督府長史贈司空謚貞能亦授嶺
南節度使

歐陽詹字行周泉州晉江人貞元八年進士客太原有旅
懷呈薛十八侍御齊十二奉禮詩又陪太原鄭行軍中

丞登汾上閣詩見行周集

符璘字元亮沂州臨沂人初隨父令奇在田承嗣軍馬燧之敗田悅也令奇密語曰汝能委質朝廷爲唐忠臣吾死不朽璘俯泣受命乃以衆降燧燧署爲軍副詔拜特進封義陽郡王旣聞父爲田悅所害號絕泣血燧表其寃加檢校左散騎常侍賜晉陽第一區祁田五十頃後從燧討李懷光有功入朝爲輔國大將軍卒贈越州都督

崔元翰齊國公日用從子第進士馬燧表爲太原掌書記召拜知制誥訓辭溫厚有典誥風

高銖字重權渤海人第進士署太原張宏靖幕府遷監察御史擢給事中以直諫著歷禮部尚書

太原府志

卷四十三

寓賢

八

高鍇字弱金銖弟第進士辟河東府叅謀歷禮部侍郎知貢舉時稱得人轉吏部出爲鄂岳觀察使

劉巨敖彭城人父承慶朔州刺史巨敖好讀老子莊周書爲太原晉陽令再世宦北方樂其土俗遂著籍於陽曲曰自我爲此邑人可也何必彭城

李璋贊皇人絳子第進士盧鈞鎮太原辟爲從事大中末入朝仕至宣歙觀察使

李渥乾符初左拾遺鄭從讜鎮太原奏掌書記

王郃京兆萬年人義武節度處存子處存卒郃代爲節度累加太保同平章事光化三年爲汴將張存敬所攻攜族奔太原李克用表授太尉

段大隱干木之裔遊寓於祁隱居高尚有祖遺風卒葬縣

東六支村

後唐

盧質字子微河南人幼聰慧善屬文事唐為秘書郎後游太原晉王以為河東節度掌書記質與張承業等定議立莊宗為嗣莊宗即位欲以質為相質性疎逸固辭不拜拜太原尹北京留守晉天福中拜太子太保卒謚文忠

趙玉薊州漁陽人客滄州依節度判官呂克劉守光破滄州收克親屬盡戮之克子琦年十四玉負之以逃至太原變姓名丐衣食以給琦當時燕趙之士以玉能存孤翁然稱之清泰中琦為端明殿學士玉已卒矣子文度入洛舉進士琦薦於主司馬裔孫擢甲科

太原府志

卷四十三

寓賢

九

劉贊魏州人力學舉進士明宗時累遷刑部侍郎尋拜秘書監為秦王從榮傅至府則從容諷諫率以正道退則杜門不交人事秦王敗論坐長流嵐州清泰二年詔歸田里行至石會關卒

後晉

焦繼勳許州長社人少讀書有大志嘗謂人曰大丈夫當立功異域取萬戶侯豈能孜孜事筆硯哉遂棄其業遊三晉閒為輕俠晉祖鎮太原以儒服謁見與語悅之留帳下天福初授皇城兼宮苑使累官宣徽南院使漢授保大軍節度使宋太平興國三年卒贈太尉

後周

李重進滄州人周太祖之甥福慶長公主之子也生於太

原色黔伐淮南時吳人號為黑駝大王仕至檢校太尉
淮南道節度使宋初起兵城陷縱火自焚

宋

李瓊字子玉幽州人幼好學涉獵史傳唐莊宗募勇士瓊
杖策詣太原應募與周祖等十人約為兄弟周祖與瓊
情好尤密每謂瓊為師及討河東乃解瓊兵籍令叅西
征軍事累官安州防禦使民立碑頌德詔中書舍人竇
儀撰文賜之宋初召為太子賓客建隆三年致仕卒贈
太子少師

石普幽州人徙太原通陰陽星歷太宗討伐多賴之

金

張中孚字信甫其先自安定徙居張義堡父遠宋封慶國

太原府志

卷四十三

寓賢

十

公中孚以父任補承節郎侍父守太原金宗翰圍太原
遠戰歿中孚泣涕請迹父尸乃獨率部曲十餘人入金
軍中竟得尸還後仕金至尚書左丞封崇王卒西人數
萬為罷市

崔琚博陵人少舉進士官明威將軍食邑百戶大定閒寓
榆次

劉宣字伯宣其先潞人以出戍畱居忻金末避地於陝後
徙太原宣沉毅清介居家孝友喜讀書有經世之志宣
撫張德輝重之還朝薦為中書省掾官至集賢學士行
臺御史中丞

元

咸木台扎刺台人太宗時嘗駐軍太原平陽上人德之皆

為立祠

許國禎字進之曲沃人博通經史尤精醫術金亂避地嵩州河南平歸寓太原世祖在潛邸以醫徵至翰海莊聖太后有疾治之剋期而瘳數從世祖征伐多所指陳鄂州之役世祖欲盡阮宋人國禎止之賴全活者甚夥後累官翰林集賢大學士光祿大夫卒謚忠憲追封薊國公

党志善陝西華陰人通五經尤精三命之術仕元至河南中書省叅政元末避亂更名鼎新徙家榆次占籍縣東陽里子文彥號白雲子博極羣書以教授為業士多負笈從之

明

太原府志

卷四十三

高賢

十一

桂彥良名德稱以字行慈谿人元鄉貢進士洪武六年徵詣公車後為晉王府右傅上親為文賜之彥良入謝上曰江南大儒惟卿一人彥良至晉製格心圖獻王後更官制改左長史請告歸卒

周天球江南太倉人有雋才工詩文尤善書法嘗遊晉王明甫桂子山莊即故河東藩府別業也其西南覆土作臺天球為題振衣岡三大字東北有阜縛草亭其上併篆其湄曰夕佳見者爭賞之

呂時字甬東鄞縣人胡懷玉字楚貉河南人並以山人能詩寓居晉陽與王明甫孔文谷諸人相唱和臨清謝榛聞喜裴邦奇亦時與焉

賈斌商河人為山西都司吏景泰三年斌上疏抗言宦官

蠹政之害併採史傳可為鑒戒者釐成四卷進獻乞命
工刊布之禮部以其言當乞垂鑒納不必刊行上報聞
張漢湖廣承天府人正德甲戌進士官兵部侍郎代翟暇
總督宣大尋命專督畿輔河南山東諸軍先是漢在本
部嚴嵩屬除周徹為兩廣總督漢不從出為總鎮復絕
餽遣嵩愈銜之會山西寇已出境漢奏請大將得專殺
偏裨總督亦得斬大將疏入兵部言漢老邊事姑報可
嵩以隙嗾言官劾漢剛復遂械繫詔獄謫戍嵐州鎮西
衛居二十年戍服荷戈下與老兵為伍暇則與諸生講
明經史大義以孤忠自矢雖忤奸獲罪晏如也卒於衛
隆慶初贈兵部尚書

國朝

太原府志

卷四十三

寓賢

十三

朱彝尊字錫鬯號竹垞秀水人於書無所不窺工著述舉
博學鴻詞除檢討纂修明史與王阮亭齊名凡五至晉
祠題詠甚多

吳雯字天章號蓮洋安邑人早孤躬耕奉母家貧力學以
工詩受知王阮亭舉博學鴻詞嘗兩至晉祠題有詩
黃朝聘字上珍休寧人制義精醇能詩作真行書風韻高
邁陳志寰撫晉朝聘依隙居太原歲餘與傅山父離垢
居士友善

楊爾楨黃州人僑居晉祠兩弟被賊執爾楨請代弟縛賊
義而釋之

儲大文字六雅宜與人庶吉士嘗掌教晉陽修通志